

Chiburupenaada # 66

Chi Habana de, Jedako aba, ewari ebera aba omede, 2016

(22 de enero 2016)

1. Chi Char kakua chiburude neebadauraba maude chi FARC-EPba waya jaramápanuma chi ruara debena taede maude rua aibenara daade, achi newau kuria panú soobía baara, maude chi nau chiburura bede jipa de odoidayua, mau ita achia nakaamáduanubida jomaura baeta kera meserá duanedamera mau maucha kuris waudayua chi nau chiburu jua damera.
2. Aba búde ukunubeerude, kurisia sidabida, chi odoibudauraba chi joma wautabibadau debena chi utu ukubeedebenara ba chi char kakua, chiburubadaura debena, maude edabida maucha jaatukubui debena, maude chi ó odoide apenaadara chi chaburu bedea awakopanuura, chi akuru jara awakopanuura, chi maaraba kuris abaude kera akuru isa wautadayua chi saa odoidai awakopanuude, maudeebida akuru chi bedea maucha buru jaatudamera isa kera jipa budamera, maude bida ochiadamera chi chiburu badaura, saa duanú kawa dayua.
3. Omebuude ukunubeerude, kurisia sidabida waudai maucha newau awakopanú eda jipa bu адаудapeda asaka waudai, maude eda maima dau chi nekaebeara neburu awakopanú maude eda maucha kubudai kopanú chi chiburu nubu penaada, chi odoi awakopanu wauta bibadauraba kawa nubudamera dauchía área, ochia damera saa wau urukaridau maude maucha kuris debena adau budabura eda bari bidamera, bari buru eda baritatadamera chi jua kátu wau awakopanuura chi naede bedea penaada kubudamera.
4. Ombeabuude ukunubeerude, bidika awakopanubida chi jua kaatu ne wau awakopanuudebena má aba jedako jua aba aba de, chi juasukubú debena “ newae biday chi chio awakopanú”chi ambua chiburu awakopanú debena, chi odoibudauraba chi joma wautabibadaura má chi saa besidebena mau sida nau ewariradá jedako aba ewari ebera aba ombeadá (23 de enero).
5. Maucha bidi panumadau chi chiburubadauramá jari aba mukera kakuaburu maema bari jari werara kakua bida chiburu badauramá, eda kubudamera mau sida isaburu, eda kawa pera ochiadamera chi achi debena chi eda chiburu penaadadebena, juasukubú aba,ome, ombea debena chi ara ambua chiburupenaadade kubú.
6. Chi eda jaratasidau chi bedea badauraba chi naudebena aurre buru newau dayumadau nau tobe jua jidaudapeda, mausida aurre amía biabaraa chi ewarira bí'ia chiburu dayua chi chiburu badaura Habana debena, maude eda bí'ia kurisiadamera ara chiya buru beedamera, chi bedea beepenáda

debena erdau dayua, eda achia ochia sidaude ara ambúa panuuka unupenaada baera, nau keraka, chi chiburu badaura, achi ara ambua chiburu damea, du aba achi kawa newaudamera maabae waya ara ambua ukupaneebudaude chi odoibudaauraba chi joma wautabibadaura iu damera achia achi jua budi budaude achi jua dedekadamera chi achi bedea de jara badaukera Palacio de Convencionesde maude mae bura abari kaude.

7. Chi Rua Aibenara ba jua deabadaura maude waara ruara eda chiburu duanabadaura, maara má achia ewariracha jara jipaneebudabida chi nau saa uru karidau ochia damera, chi odoibadau chi joma wautabibadaura new ara ochia damera.
8. Kurisdebena sida adaudaibida bididamera chi eda ukudianabadaura má Naciones Unidas Colombia debenamá maude eda ukudianabadau kurisdebenamá maude chi chiburuu baduara newae bidaidebena chi chio awakopanuudebena Universidad Nacional, waya buru kera dauchía adaudamera chi nau joma newau dayúa, mau sida isaaburu chi kaade beerú foro, naude eda bedea damera chi jua sukubú ombea debena “Newae biday chi chio awakopanúdebena” maude jua aba aba debena “kaare eda kubudaidebena, kawa ochia daidebena, maude jipa butabadau dauchía deamera” chi ara ambua chiburubadaurade nubú.
9. Ara ambúa maucha newau budabida, saa odoiday debena chi bedeara chi ruadebenamá needamera maude ne kawa damera dauchía área chi Rua debena Colombia debenaramá chi chiburu awakopanú nau ewarirade wau awakopanú.
10. Soo bía, kuris bía área maucha ewari kurisia panuma, chi bedea penaada deamera maude isa chá bemera, chi naka urukaridaude naudá “Isá bidamera chi Habanade maude edá jurumetakera buidamera chi Colombiade” chi Jedako jua aba omedebena waara ewariradebena bada (12 de Julio del año pasado) chi buru penaada ara ambua beepenadadebena chi chio awakopanú newae bidayúa maude chi kuris bía,chi soo bía nibabiday debena dachi ruade.